



Inositsiagittotitsigasuanimut  
AngiKatigegutik  
ilingajumut Newfalâmut Labradorimillu

**Prâvinsivut.  
Inositsiagittotitsigasuanigijavut.  
Sivunitsavut.**

Senanut Jârinut  
Inositsiagittotitsigasuanimut Asiangujuk

**Tâanna Naillititausimajuk**



**Citation**

Inositsiagittotitsigasuannimut AngiKatigegutinga NL. (2022). *Prâvinsivut, Inositsiagittotitsigasuannigjavut, Sivunitsavut. Senanut Jârinut Inositsiagittotitsigasuannimut Asiangujuk: Tâнна Naillititausimajuk.* <https://healthaccordnl.ca/final-reports/>.



# Inositsiagittotitsigasuanimut AngiKatigegutik

ilingajumut Newfalâmut Labradorimillu



Inositsiagittotigijavut iluani Newfoundland ammalu Labradorimi nâmmalungituk. Piunginippâmik inositsiagittotitsigasuanimut nâningani sakKituKaKattavut inunnut iluani asinginnit Canadami prâvinsini. NâmmasiangituKavuk ammalu sakKititailittausonik atjigengituKavuk akungani uvattinik iluani prâvinsitinni. Ammalu tamakkua sakKijâjut sakKivallianginnatlutillu pimmagiulualiaKitlutillu. PinianniKagiaKavugut, ammalu pinianniKagiaKalikKugut mânnaluatsiak.

## Pitagijangit

1. Angijummagimmik Pitjutaujuk Asiangujalik.....	1
2. Annigijavut Piunitsanik Uvattinut Inositsiagittogiamut.....	4
3. Attuinigijavut Uvagut Inositsiagittotigijattinik .....	5
4. Inositsiagittotitsigasuanimut AngiKatigegutinga NL .....	5
5. Inulimât, kenaujaliugutiliginimmut, ammalu Avatimmut Pitjutaujut (Inulimânut Kaujimajaugettunut Inositsiagittotitsiagasuanimut) .....	8
6. Atjigettitaugiallajuk Inositsiagittotitsigasuanimut Piusigijangit.....	9
7. Ikajutsinik tamapsuminga Atjigettisigiallagiamut Piusitsamik .....	13
8. Akiliusiatsait tamapsumunga Nutâmut Piniannisamik.....	16
9. Aulatsinik ammalu aulatsigiamut tamapsuminga Nutâmik Piniannigijauniattumut.....	17
10. Takutsaujut Piniannik kajusiutigijautsianinganik.....	19
11. SakKijâgettut Sangijut.....	20
12. Inositsiagittotitsigasuanimut AngiKatigegutik NL AllaKutinga.....	21
13. Nalunaigetut kajusiutiKatsianimmik .....	22

# Angijummagimmik Pitjutaujuk Asiangujalik

Akungani taikkunani senait prâvinsiujunut, Newfoundlandimiut ammalu Labradorimiut pitaKavut

- ▶ puttunippâmik tuKugajunut ommatikkut KanimmasiKajunut, kânsamik, ammalu taKanut simitsiviuKattajunut;
- ▶ nainnipânik omagiamut nigjunajunik;
- ▶ puttunippâmik ajunnatunik inosikkut kamagijaugiaKajunut akungani sugusiujunut; ammalu
- ▶ tâna puttunippâmik ilangita jârikkutujonitsait inugijangit pitaKatlutik pingasunik unuluaniillonet akuni KanimmasiKanginnatunut..

ImminiaKattajut numarangit iluani Newfoundland ammalu Labradorimi pingasunoluak puttugiasimajut taimanganit 1980-init ammalu puttunippângutluni Canadami. Ilonnainut jâriKatigejunut, isumâlotigijaulualittuk pitjutigillu isumakkut Kanuittailigiamut ammalu isumakkut KanimmasiKajunut.

## Angijualummik Inulimânut Asiangujimajuk

Atautijut tamakkununga nâmmalungitut inosigijaujunut sakKiviuKattajunut una sulijuk inoKatigijavut katavallialittuk ilainnanginnik iniujunut prâvinsitinni ungatâni thirty jâriulittunik. Ilanginni nunaliujunik, inolimât ikilliumisimajut unuluamik 40%-itut. Tamanna ilonnanga pitjutaujuk tataminnaluaq sulijumik ilangit nunakKatigengitut prâvinsiujuni takusimajut ikilliumisimajunut ungatânut 70% numaranik sugusunut jârikinnasilinnut 15-inanik. Illuani inosigijaujunut, tainna ilanga inolimât ungatâni jâriKajunut 65-inik maggugusimavut ilonnainik prâvinsiujumi.

## SakKijânginnatuk

Tamanna sukkajualummik inulimânut sangusimammat, ilinganiKatluni novalliasimajunut ilinganiKajumut ogait maligatsatâttaulaummata pigiannimi 1990-ini, ottugattisisimavuk inositsiagittotitsigasuannimut piusigijanganik tainna sanajauluasimajuk kamagigunnagiangit inosuttugijavuttinik sakKivallianguinnatunut akuniungituk KanimmasiKajunut, jârikinnisaungitunut akuni KanimmasiaKaKattajunut. Sanajausimalungituk takunnâgiamut Kanimmasittâtailigiamut upvalu Kanuittailigiamut KaujimakKujaujunut. Atautsik angijuk sakKijuk unauvuk sakKijânginnagajattut pimmagiuvut, sakKititsijumik puttuvalliajunut numaranginnik inuKangitunut suliatsanut unuttumaginnut inositsiagittotitsigasuannimut ilisimallagijunik, puttuvalliajut numarait akuniungituk ininganegajattunut ânniasituet, angillivalliajut suliatsanik isumakkut uKumaitsautiKajut ammalu ingulajut taikkununga suliaKaKattajunut

“

Ilonnait ilinniasimajavut kingunittinut tunigunnangitavut, ammalu nâjilangajuk kingullimut sivunittinut. Ilonnait taikkua piujualuit inosiKatsiatitsisimajuillu, ammalu tigumiasimajuk kinaunnitnik, ammalu nukKangattisisimajuk, atuinnaunialugunnaitut, immaKâ, sivunitsaginialittinut.

Inuk InutuKak uKâlautiKajuk attuijunut amittolinninganik sikuk Taggami Labradorimi. Pisimajuk: Ukausigijausimajuk CBC tusagatsanginnik allatausimajuk takujausok omani [www.cbc.ca/news/newfoundland-Labrador-Nunatsiavut-sea-ice-1.5951551](http://www.cbc.ca/news/newfoundland-Labrador-Nunatsiavut-sea-ice-1.5951551).

inositsiagittotitsigasuannimut piusigijanginnik, ammalu, Kaujjiausimajuk, Kanitakasângani 20% inulimât takujaugunnalugatik ilaget ânniasiuimmik. Tamanna pimmagittuk apomautigijauluatluni asinginnilu sakKijâgettunut sollu piusituKagijavut illinagijaulugatik ammalu atuttaugajattunik pitaKatsialugani iniujunut sollu isumakkut Kanuittailigiamut ammalu akuni paigijauKattagialinnut ammalu sakKivalliajut amigagijaujut inositsiagittotitsigasuannimut ilisimallagijunik Canadami ammalu nanituinnak silatsuatunni.

### **Silak Tuavittumettuk**


Tamanna silatsuatinni silak asianguvalliajuk pimmagiuvuk ippiniagijaujuk piluattumik Labradorimi onanninga Kummuavallianinganik imavut imatâvalliatiuinatluni, asiujivalliajugut sikunik, ammalu nutât omajuit imagijattinelitlutik. Pimmagittut silamut sakKivalliajut (sollu., anugitsuat ammalu silalutsuat) takujauvalliajut Kikittami ammalu Labradorimi. KujanâgiaKalugunnaitavut inosittinik attuilangajunut tamapsumangat silamut pimmagittojumut immigolingajunut ammalu nunagijattinut prâvinsitinni.

### **Attutausimajut ilingajumit COVID 19**

Taimanganit pigianningani 2020, silatsuami siammasimajuk pivalliatuinnajuk angijualummik asianguvalliatigialivut. SakKivallianinga ammalu siammasimajuk COVID-19 sollu ilinganiKajuk angijunik nunalinnejuk ammalu silatsuamut iniggatluni ammalugiallak avatimmut pitjutiKajuk ilautillugu inigijaujunut sujuijuk, omajunik tautseKatigejunut, ammalu pimmagittumik pigutseKattajunut omajunik. Takutsaujut takutitsijuk tamapsuminga, akungani katingaKatigejunut iniKajunut attutausagaisonut, tainna silatsuami siammasimajuk angijualummik

takutsautitsivuk atjigengitojunik amigagijaujunut, piungitumik sakKititsigajakKotumik akuni attutausonik, inulimânik kenaujaliugunnagiamut, ammalu isumakkut Kanuittailigasugiamut. Tâna silatsuami siammasimajuk puttuvalliatitsijuk atjigengitojunut unuttumaginut asinginnik inulimânik pinianniKasongugiamut – atuinnaugajattunut âkKisautinik kapputinnik, kenaujaliuvalligunnagiamut, ilinniagunnagiamut ammalu ânniasitutinnik

### Inulimânut aippanganut Inositsiagittotitsigasuanimut Atuttaujut iluani NK



Taimanganit 1980, akigijanga kenaujait atuttausimajut NL-imi atuttausimajut anniasiuannimut paigijaugiaKajunut puttugiasimajuk omunga

**232%**

Kângivallianingani, kenaujait atuttausimajut NL-imi inulimânut atuttausimajut puttugiasimajuk omunga

**6%**

paitsigunnagiamut, ininginni suliansanut ammalu kenaujanik asiujijunut (puttuluasimajuk annanut ammalu angijongitunik ammalu uKumaittongitunik suliansaKajunut), ammalu allât asiujellutik kenaujanik ulapittaumata ilinniatuliginimmut. Tainna silatsuamut siammasimajuk ammalu inulimânut kiugusingit Kanimmasimmut sakKititsivuk inuit piusigijanginnik ammalu inulimânut asiangutitsitluni akuni sakKijâniakKoluni silatsuamut siammasimajuk tamânegunnaipallonnet.

### **Atajut Akungani Inositsiagittotitsigasuanimut ammalu kenaujaliginimmut**

Takutsaujut tamapsuminga takutitsijuk, inulimât inotsiangipata, inulimânut upvalu kenaujaliugunnagiamut sivuppianialungituk. Kangatuinnak inositsiagittotitsigasuanimut atjigelungipata, tamannaulangavuk inulimânut ammalu kenaujaliugunnagiamut atjigelunialungitut. Nâmmagijaangitut inositsiagittotitsigasuanimut sakKilutik ammalu inositsiagittotitsigasuanimut atjigelugatik prâvinsitinni tukiKattisivuk angutinialungilagut kenaujaliutsiagunnagiamut upvalu piguvalialuni inulimânut piunitsamik sakKititsingituagutta immigolingajunut ammalu inulimânut.

## **Annigijavut Piunitsanik Uvattinut Inositsiagittogiamut**

InositsiagittotitsigajakKugut inoKatittinut prâvinsitinni pigumatuagutta. Inositsiagittotitsigasuanimut AngiKatigegutik NL sakKititaisimajuk ikajugiamut piujunik annigusugiamut sakKititsiluta asiangugalinnik immigolingajunut ammalu inulimât inosigijanginnik ammalu, sakKititsiluni, iluani inulimânut ammalu kenaujaliugunnagiamut suKusilugani. Inositsiagittotitsigasuanimut AngaKatigegutiga NL takunnâjut piunitsaumik inositsiagittotitsigasuanimut sakKigajattunut ilinganiKajunut Newfalâmiunut ammalu Labradorimiunut taikkutigona Kanuitsalugaitk ammalu ilauKatauliaKillutik iluani inulimânut Kaujikkulugit inositsiagittotitsigasuanimut, ammalu piunitsamik Kanuittailigiamut piusigijanginnik atjigettisiniattumik nunalimmik, ânniasiupvinik, ammalu akuni paigijauKattagiaKajunut kiggatotinginnik.



**Nanituinnak tamapsumani naillitaisimajumut, tainna uKausik “inositsiagittotitsigasuanimut” ammalu Kanuittailigiamut paitsiutet” atuttaulimmata, tukisijauvut ilautitsimijuk isumakkut ammalu timikkut Kanuittailigiamut ammalu Kanuittailigiamut paitsiutinnik.**

# Attuinigjavut Uvagut Inositsiagittotigijattinik

KaujimagekKugut inosigijavut attutauKattavut nakit inolisimammangâtta, inigijattinik, pigugunnagiamut, nigik, iKittaik, ilinniak, suliaKak, ammalu pinguagiamut. AttutauKattavut ippinigijattinik sulijugijaugiamut ammalu kamagijautsiagiamut kinakkunut katingaKatigengujunut ilingammangâtta ammalu ningiunguvalligiamut Kanuitsangimagilluta ammalu imminik pisongugiamut.



**Tamakkua inulimât, kenaujaliugutilinnimut, ammalu avatimmut sakKijâjut (uKausigijaujut inulimânut KaujijauKattajut inositsiagittotitsigasuanimut) anginippâmik attuijuk inosigijattinik – 60% ilonnâgut. Kinakkonittinik aukkut ammalu timigijavut attuiKattavut Kanitangani 15% inositsiagittotiginiattatinnik imailingatilluni 25% attuijut ilinganiKatillugit inositsiagittotitsigasuanimut piusigijanginnik.**

SakKititsisimalungilagut kenaujannik inositsiagittotitsigasuanimut piusigijanginnut ammalu inulimânut piusigijanginnut ilinganiKajunut sakKititsinittinik attuijunut Kanuittailigiamut. Uvagut anginippâmik akileKattavugut akungani ilonnainit prâvinsimejunut inositsiagittotitsigasuanimut paigijaugiamut. Taimanganit 1980- ini, takusimavugut puttusimajumut 232% inositsiagittotitsigasuanimut paigijaugutinnut atutluta imailingatillugit, taimâtsainak atjinganik, kisiani pitaKasimavuk 6%-itut puttusimajunut inulimânut atuttausimajunut.

**SakKititsigunnagiamut sulijunik asiangusimajunut inositsiagittotitsigasuanimut inulimânut, asiangutitsigiaKavugut tamakkununga sakKijâjunut anginippâmik attuijunut inosigijattinut**

## Inositsiagittotitsigasuanimut AngiKatigegutinga NL

### **SulaKattet**

Inositsiagittotitsigasuanimut AngiKatigegutik NL sakKititausimajuk Novembra 2020 taipsumunga AngajukKâsuattinut Andrew Furey ammalu Ministerimut John Haggie (SuliaKapvik Inositsiagittotitsigasuanimut ammalu Nunalinnut kiggatotinnut) suliaKattiutluni tautugiamut inositsiagittotitsigasuanimut ammalu Kanuittailigiamut paitsiutinnik iluani tapvani prâvinsimi. Taikkua suliaKattet sanajausimajut sakKititsigiamut tamapsuminga tautugijaujumut sanatillugit prâvinsimi-nanituinnak angiKatigegutimmik, tainna angiKatigegutik silatujolluni



akKitiKalluni malitillunillu. Taikkua ilaliutilet SuliaKattinut ilaliutiKavut nunalimmit, sivukkatet tallimanit angijunit ânniasiutiligijinnit katutjiKatigenit/katingaKatigejunut, immigolingajut tilijausimajut pingasunit kavamaligijiujunit ammalu nunaKakKâsimjuit inunginnit, sivukkatet asinginnik angijunik attutauKattajunut ilautillugit ânniasiutiliginimmut ilinniavinnit, tainnai aulatsijillagik sitamanut NunakKatigengitunut ânniasiutiligijet PitsatuniKajunut (NAP), ammalu Tullingita Ministeringa ânniasiutiligijinnit ammalu nunalinni kiggatotinnit.


### **Tugâgutet katimajet ammalu SuliaKaKatigejut**

Sakset tugâgutet katimajet sakKititaulauttut (inulimânut Kaujimagegettunut ânniasiutiligijinginnit, nunalimmi paitsijet, ânniasiupvimim kiggatotet, ittuguvalliajut inulimângit, piutigijangita ânniasiutiliginimmi paitsijet, ammalu Kagitaujaligijet) atjigengitunit kiggatuttiKagatta nakituinnak prâvinsimit. Sitamait suliaKaKatigejut katingaKatigetlutik (suliatsamut atuinnaguttisijut, ilinnianimmik, aulatsinik, ammalu kenaujanut ammalu kavamaligijiujut suliaKattinut) ilagiattausimajut tusagemmata ilaliutiKajunut inunnut pikKujausimajunut ammalu atuttaugiaKasimajunut. Taikkua SuliaKattet kamasimavut suliatanik taikkununga senanut katingaKatigejunut, uKautjigiattausimajut, ammalu pijagesimatlutik suliatagialinginnik sakKitausimajumut AngajukKâsuamut Furey ammalu Minister Haggie-imut.

### **Tasiugiagutet Pigumajajut ammalu Tautugijajut**

Tainna Inositsiagittotitsigasuannimut AngiKatigegutik sanajausimajuk sakKititsigiamut malittaugajattunut ammalu pingasunut takutsaujunut: **ilautillugit** tamammit takutsaujunut ammalu inulimânut Kaujimajaugettunut ânniasiutiliginimmut, **piutigijangit** ilinganiKajuk tamâgennik inositsiagittotitsigasuannimut ammalu inulimât piusigijanginnik, ammalu **ilijaunnik** atuttaugiaKajumut iluani ânniasiutiligijet piusinginnik ammalu nanituinnak ilonnainik katutjiKatigengujunut attuijunut inositsiagittotitsigasuannimut ammalu sakKiKattajunut Kanuittailigiamut. Tainna suliatasit Inositsiagittotitsigasuannimut AngiKatigegutimmik sanajausimajuk ilautitsigiamut inunnik prâvinsimejunut, tusâllugit nipigijangit taikkununga ânniasiutiliginimmut ammalu inulimânut piusigijangita Kanuk suliajijauKattamangâmmik sakKijâgettunut, ammalu ilijaullutillu ilinniatausimajunik inosimanninginnik sakKijâgettunut takutsaujunit ammalu sakKivalliajunut nutânik. Sutaijajunut Kanuittusuatuinnait ilautitausimavut iluanit inulimânit, ammalu taikkua attutaujut atauluajunut ânniasiutiliginimmut ammalu Kanuittailigiamut paitsiKattajunut. Ottugagasuasimajut piggautigitlugit kamagitsiagasuatlugit ilonnainit inunnit nakituinnak prâvinsimit, Katsinituinnak jâriKajunut, ammalu ilonnanit katingaKatigejunit iluani prâvinsimit Kaujigasuamut Kanuk piunitsamik ilautitaugajammangâmmik ammalu uppigillugit uKausingit tujummiKujaulaungit ammalu asiangutitsigajattut.

## Inositsiagittotitsigasuannimut AngiKatigegutinga NL Kanulinganninga



### Nâjjuk Inositsiagittotitsigasuannimut AngiKatigegutik NL

Tainna nânniani suliatsumut taipsumununga Inositsiagittotitsigasuannimut AngiKatigegutingani piunitsautigajattavut inositsiagittotitsigasuannimut, Kanuittailigiamut sakKigajattut, ammalu ânniasiuutiliginimmut atjigettilugit ilingattilugut ilonnainut inunntu prâvinsimejunut. Pisonguvugut **kisiani** katiutitsigutta maggonik angijonnik pinianniKalluta:

- ▶ ApvialiaKilluta inulimânik, kenaujaliugutiliginimmut, ammalu avatimut ilinganiKajunut attuiKattajunut inosittinik, ammalu

- ▶ Atjiggettilugit prâvinsikkut mânnaluatsiak ânniasiutiliginimmut piusigijanginnik.

kamagitsualugit tamâgennik piniannisanik atautsikut kamagitsialugillu inulimânut Kaujimajaugettunut ininganotsialugit ikattausiajunut atuttausonut pimmagiuvuk sakKititsiniagutta piunitsanik ilonnâgut inositsiagittotitsigasuanimmut.

## **Inulimât, kenaujaliugutiliginimmut, ammalu Avatimmut Pitjutaujut (Inulimânut Kaujimajaugettunut Inositsiagittotitsigasuanimmut)**

*Sunauvat ilangit, immigolingalluta ammalu katingaKatigelluta, asiangutitsigajakKitâ inulimânik, kenaujaliugutiliginimmut, ammalu avatimmut pitjutaujunut ikajugiamut piunitsautitsigasuanimmut inosigijattinik, ânniasiutinni sakKiKattajunut, ammalu ânniasiutiliginimmut atjigettisigiamut immigolingajunut, ilagenut, nunalimmiunut, ammalu prâvinsitinni?*

- ▶ ilitatsiluta ammalu kamagillugit attuiKattajunut inulimânut, kenaujaliugutiliginimmut, ammalu avatimmut pitjutaujunut inosigijattinut asiangutitsiluta aulatsijunik, maligatsanik, suliatanik, ammalu ilonnanginnik kajusiutiuttauKattajunut sutaijajunut suliaKapvitinni prâvinsimejunut.
- ▶ SuliaKaKatigetsialuta federal kavamakkunut kamatsigiamut ilonnait Newfalâmiut ammalu Labradorimiunut – immigolingajunut ammalu ilagenut – nâmmasiattunik inogasuagiamut ammalu nigijunajunik kenaujaliuKattaluta ajunnangitunik.
- ▶ Piunitsanik niKitsaKatsianginnagiamut ammalu illunik sanalluta piunitsanik prâvinsimi suliatanik atjigettisijunik ammalu ilinganiKatsiatunik ilukkusinnik ammalu nunagijajunut atjigengitojunut.
- ▶ Pimmagiummat kamagillugu inosinnut attuijunut silamit asianguvalliajumik tuavittumik sakKivalliajunut silatsuatinnik ammalu pinianniKatsialuta kajusiutiKatigelluta silak piniannisananganik namminittinik prâvinsitinni.
- ▶ Sanalluta prâvinsimik AkKutitasanganik ilautitsigiamut pitaKaniagatta tamâgennik inositsiagittotitsigasuanimmut piusinganik ammalu ilautillugit inulimât ilonnait ippiniakKulugut illinattoninginnik ammalu sulijugijautlutik.

- ▶ sanalualluta ilijaujunik piniannisanik ilinniatuliginimmut, ilinniagiamut, ammalu paigigiangit suguset ammalu inosuttojunut.
- ▶ kamagiluallugit ilisimallagijunut iluani suliaKattiujunut ânniasiutiligijet kiggatotinningik ilinganiKajunut sugusinut ammalu inosuttunut ajunnatunik KanimmasiKajunut kamagigijunut upvalu silatâni iniKajunut aniggaminik paigijaukKulugit ammalu kamagitsialugit.
- ▶ PinianniKallualluni ikajugiamut pivalliataugasujunut Kanuittusuatuinnanik -jâriKajunut nunalinni ammalu nâjittilugu jârinut tugâluattunut prâvinsitinni.
- ▶ Piunitsamik sakKititsilutik ikajotinnik nunalet katutjiKatigenginni sangijottigiamut inositsiagittotitsigasuanimut inunginnut prâvinsitinni.

## Atjigettitaugiallajuk Inositsiagittotitsigasuanimut Piusigijangit

*Kanuk pigajakKitâ tautugiallagiamut inositsiagittotitsigasuanimut piusigijanginnik kamagiamut piunnitsamik uvattinut sakKijâjunut ullumi ammalu jârini Kaijuni?*

- ▶ Atjigettigiallalu prâvinsiup inositsiagittotitsigasuanimut piusigijanginnik iluani nunalet ânniasiupvini, nunakKatigengitut ânniasiupvinginni, ammalu nunalimât ininginnik, atunik sakKititsigumallutik ânniasiunnimut kiggatotinginnik sakKititsigiamut inuit atugialinginnik kiggatuttaujunut sakKijânginnaKullugu ammalu atuniKatsiatumik.
- ▶ Atautigillugit ilonnait inuit ammalu ilonnait nunalimmiut prâvinsitinni nunalinnut iligenut sanajaumajunut atjigengitojunut inositsiagittotitsigasuanimut ilisimallagijunut.
- ▶ Atautigillugit nunalimmi iligenik ilinniavinnut, nunaligijiujunut, maligatsaligiujunut, nunalimmi katutjiKatigenut, ammalu imminik kenaujaliugutiKajunut suliaKaKatigesonguniammata piunitsatigasuallugit inulimânut, kenaujaliugutiliginimmut, ammalu avatimmut pitjutaujunut attuiKattajunut inositsiagittotitsigasuanitinnut.
- ▶ SakKititsilutik pimmagittunik paitsiutigijaugiaKajunut prâvinsitinni 23-ingujunut ânniasiupvini piunitsamik kamagasuagiamut nunalinnut kiggatujanginnut.



**KaujimaniakKugut tamakkua piniannet kajusiutigijautsianingitt  
Kaujimatsiligutta tamakkua uKautigijausimajut  
suligaluammangâmmik**



**PitaKavuk inulimânut  
ikajotinnik atuinnaujunut  
uvattinut**



**Kangatuinnak ilinniavinni  
piusigijaujut  
kiggatutsiamata sugusunik  
piujumik**



**NipaKavugut sunait  
pitjutigijaujunut uvattinut**



**AtuttaujuKasonguvuk  
ilonnaigut annigijausonik  
kiggatotinnik ilingajumut  
inosuttunut**



**AliasuKattavugut piujunik  
niKitsaKagiamut ammalu  
imaKagiamut**



**Maligatsaligijet piusingit  
uvattinik paitsivut**



**Aniggavut kamagijautsiavut  
ammalu nigumittut**



**Sangijunik ikajotitsaKavuk  
ammalu kiggatotinnik  
ilinganiKajumut uvagut  
isumakkut Kanuittailigiamut**



**Sangijumik  
piggautigijaujuKavuk  
ikilliumittisigiamut  
ajutsajunik nunagijattini**



**Kinallonet ippinalungituk  
ilautitaungitonninginnik  
ammalu Kanulukak  
ilitagijaulugatik**




**Ilonnait suguset piujumik  
pigiasiutiKavut  
inosigijanginni**



**Kanuittusuatuinnak  
nalunaigutet piusigijaujunut  
mitautigijaunngit,  
kinaunngit, jâringit,  
upvalu pigunnagiamut  
nunagijattini tapvainak  
ilitagijauKattavut ammalu  
kamagijauKattamijut**

- ▶ AtuliaKittisigiamut kajusinginnatumik paitsiutinnik (isumagijaugi allagajattunut paitsiutinnik malitsiatumik inummik Kângivallianinganik, sungiutivallialuni asianguvalliatumik ikajuttaugiaKanninganik) inummarinnut ilautillugit asigiallait inummaret sukkojunut. Solu kamagijaunginnagiaKajunut sakKititaugajattut anigganginni, anigganginni paigijaugiaKajunut, ittusiutinnejunut, upvalu ânniasiupvimejunut.
- ▶ AtuliaKittisilluni nukiKagunnaitunik InutuKait suliamsamik ânniasiupvini nanituinnak prâvinsitinni.
- ▶ SakKititsiluni timikkut ikajuttaugiaKajunut ânniasiupvinik kamagiamut Kanimmasinnik ilinganiKaluattunut suliansanut ammalu suliaKapvini.
- ▶ kamatsialuni nipet iniKasimajunut ilitagijaugialet pimmagiuninginnik ilonnainik pigiasittaugasuajunut atjigettisigiamut inositsiagittotitsigasuannimut piusigijanginni.
- ▶ Sangijottillugit prâvinsimi maligatsasuangit, maligaliangit, ammalu maligatsanik sakKititsigiamut paigijautinnik ammalu paigijaugiaKakunut itonitsaujunut inunginnut.

KaujilâkKugut nutâvut piniannivut inositsiagittotitsigasuannimut piusinga kajusitsiagaluammangât Kangatuinnak prâvinsikkut inositsiagittotitsigasuannimut piusinga tigumiappata atuniKajunut, ammalu taikkua piunitsamik kajusiutiKagajut katingaKatigelluta suliaKaKatigetsiagutta kamagigiangit atunik inuk, Katsitut jâriKagaluappata, nanituinnak iniKagaluappata, upvalu inop inigijangita, piunippâmik atugunnaKullugit inositsiagittotitsigasuannimut paigijaugiamut. Tainna inositsiagittotitsigasuannimut piusinga piKutiKatsialuni, nâmmasiattunik ilinniatitausimajunut suliaKaKattajunut taikkunani avatiujunut illinattojunut ammalu ikajutsijunut taikkuninga. Tainna inositsiagittotitsigasuannimut piusinga ilijaulangavut iluani nunalimmi ilagijanganginneluni, paitsijiKalluni ammalu ikajuttiKalluni akilittutaulungitunut, nunaligijiujunut ammalu uKautjigajinnik katingaKatigejunut suli ikajutsiniattunut ammalu atautigijaulluni.





Jârittâvalliajut ininginni jârilinnut inotsiangullutik nunalimmi tungavigijaulangavut paitsigunnagiamut jârikinnasaKajunut anigganginni, ittuKautinni. Ilisimallagijaut nunalimmiut ilaget ilangagijaulangavut paitsigunnagiamut piusigijaujunut ikajugiamut jârittâvillianittinik.



Nunalimmiut iliget suliaKalangavut ilonnainik prâvinsimi, ilautillugit ilonnait nunalimmiut, aivigijausongutullugit ilonnait inuit tukitâttausimajunut nunagijaujuit ininginni. Ânniasiapvet sakKititsilangajut pimmagittunik paigijaugiaKajunut, asianottaugiaKajunut ânniasiapvini pigumajaupvinginni ammalu, ilangani, tigumiallutik illisanik ammalu ittusiutet illinginni.



Nunalimmi ânniasiapvet sakKititsilangavut tuavittumik kiggatuttaugiaKajunut anginitsauniattumik ejanillu, isumakkut Kanuittailigiamut kamagijaugiaKajunut, paigijaugiaKajunut, ammalu asigiallanik pimmagittunik kiggatotinnik sakKijânginnaKullugit. Simipviusimajunut Kagitakkut, ammalu utivalliagasuajunut. Tainna iningata St. Johns-imi sakKititsitilluni paitsigunnagiamut inummarinnik ammalu sugusunik, akuniungituk paigijaugiaKajunut, isumakkut Kanuittailigiamut paigijaugiaKajunut, akuni KanimmasiKajunut, ammalu utivalliatitaugasuajunut.



Tainna inositsiagittotitsigasuannimut piusinga atjigettitaulangavuk nanituinnak nunalimmi, ittuKautinni ammalu ânniasiapvini kiggatotinnik ammalu ilijaujunut anginitsanut piusigijaujunut attuijunut inositsiagittotitsigasuannimut. Namminigijavut inositsiagittotitsigasuannimut ammalu inulimânut piusigijangit atjigettitaulangavut, ikajuttigelluta, ammalu ataKatigelluta; ilingaKatsialuni sulitsiatumik ilautillugit Kaujigatsait; ammalu âkKigiattauluni ikajuttigegasualluta atunik asittinik.

# Ikajutsinik tamapsuminga Atjigettisigiallagiamut Piusitsamik


*Kanulli ikajutsilangavitâ tamapsuminga nutâmik atjigettisigiallagiamut inositsiagittotitsigasuanimut piusinganik?*

- ▶ Sangijottillugit piusigijaugettunut paitsiutinnik nunalimmi-ilinganiKajunut ammalu ittuKautet kiggatotinginni. SakKititsiluni prâvinsimi malittaugiaKajunut akuniungituk paigijauKattagialinnut kiggatotinnik.
- ▶ SakKititsiluni atautsimik prâvinsimi, ilijaumajumik tingijotsaugajattumik ammalu nunami tuavittunik atuttaugiaKajunut piusitsanik atautsituinnamik initsaKalluni aullavigijausomik, suliaKattiKalluni paitsituinnagajattunut ammalu sivuppiasimatsiatunik paitsiutunik tuavittumik kamagiKatillugit ânniasiuugiugajattunut, ammlu ikajuttausimallu Kagitaujatigut tuavittumik illugusiKatillugit.
- ▶ Nutângutillugit Kaujigatsait tungavigijangit ilinganiattumut inositsiagittotitsigasuanimut piusinganut ammalu asinginnut piusigijaujunut ikajutsijunut inositsiagittotitsigasuanimut.
- ▶ Piunitsautillugit Kagitaujatigut kamagijauKattajunut akikittojunut atugunnagiamut Kagitaujaligijinniutunut.
- ▶ Sanallutik prâvinsimi inositsiagittotitsigasuanimut ammalu inulimânut ininginnetunut suliaKattisait pannaigutinganik ilonnait suliaKaKatigetillugit puttunippâmik takunnausiKatillugit ottuganiattanginnut ammalu tukiKatsiatumik tugâgutiKallutik kamagunnagiamut atjigengitojunut inunnik suliaKattigijaugiaKajunut ilinganiattumut Kanuittusuatuinnanik nunakKatigengitunut prâvinsimettunut.
- ▶ Sanallutik suliapvimi asianogunnagiamut angiKatigegutinnik kinakkutuinnanut piungitumik attutausimajunut asiangusimajunut iluani inositsiagittotitsigasuanimut piusinginni.
- ▶ Sanallutik ilijausimajunik ammalu tugâgutinnik tigusigiamut pannaigutitsanik ilinganiattumut ânniasiuutinnik ammalu aulatsijinnut nanituinnak prâvinsimettunut.
- ▶ kamatsiaKattaluni inositsiagittotitsigasuanimut ammalu kamatsiagiamut suliaKapvet iluani inositsiagittotitsigasuanimut piusinga tigungiamut ammalu sivunittini ânniasiuutijunik ammalu aulatsijiujunut.



- ▶ Kimiggulutik ammalu atjigettisilluni malittaugattunik ilonnainut ilinniagatsanik inunnut atuinnaguttisiKattajunut suliaKaniattunut ânniasiupvini ammalu inulimânut piusigijajunut kamatsialutillu ikajutsininginnik atunik ilonnainik ammalu inulimânut Kaujimajaugettunut inositsiagittotitsigasuannimut.
- ▶ UNutângutillugit ilinniagatsait ânniasiupvimi suliaKattijunut ikajugunnagiangit piunitsamik tukisisonguniammatat inulimânut Kaujimajaugettunut inositsiagittotitsigasuannimut, tainna atjigettigiallataugasuagamut inositsiagittotitsigasuannimut piusinganik, piutigijanginnik, paitsigiamut ittunik, ilukkuset atjijgengitojunut ammalu kamatsiagamut, ammalu Kagitaujatigut. Ilinniatitsilutik ammalu suli ilinniagatsanik suliatsanik atutillugit ilijaugajattunik, ilauttillugit, ammalu ikajuttigenimmik atuttaugajattumik.
- ▶ SakKititsiluni ilinniagatsanik inunnut prâvinsimettunut ilauKatausongunginniammata tamapsumunga nutâmut ilinniagatsamut inositsiagittotitsigasuannimut ammalu inulimânut piusigijajumut.

## Atjigettisigiallanik Inositsiagittotitsigasuannimut Piusigijangit



↔  
 ÂnniasiupviliaKattajunut kamajet  
 Nunalimmi Kaujisapviutausot  
 Kagitaujatigut paigijaunnik  
 Kaujigatsanut piusigijangit

- ▶ kamanginnaluni piutigijaujunut atuttauKattajunut atuttauKattajunut atunik inunnut kiggatuttaujunut inositsiagittotitsigasuannimut piusinganut ammalu inulimânut piusigijauKattajunut.
- ▶ Sangjottilugit ammalu sakKititsiluni atuttausonik atuniKatsiatunut atautiKagiamut akunga inositsiagittotitsigasuannimut piusinga ammalu nunalinnut katingaKatigejunut ammalu suliaKajunut akilittutaungitunut.



**KaujimalâkkKugut ikajuttaugiaKajunut asiangutitsigiamut tamânenninganik Kangatuinnak akKutik akunga pitagijanginnik sanajausimalippata nunalimmiunut KaujimaKatigelippata suliaKaKatigejunut, Kagitaujatigut paitsiutiKagejunut upvalu Kaujigatsatigut piusinginnik, nunakkut tingijokkulonnet piusigijanginnut, ammalu aulatsijunut ikajugumatuinnatunut, sivungani, nâmmangitumik pigasuasimajunut. KatingaKatigejut, iniujut, KaujimaKatigejut, ammalu ikajuttigesimajut atautiKatalangajut inulimânut ikajuttisanut ammalu ânniasiupvini paitsiutigijaujunut.**

kinatuinnak suliaKajuk atjigettisigasugiamut inosiKatsiagiamut ammalu inulimânut piusinginnik suliaKalangavut ilonnanginnik takunnâtaujumut ottugajanginnik. Ikajuttaulangavut ammalu sakKiviullutik ilinniagatsanik pivitsanik iluani iligenimminik. Ikajuttaulangavut kajusiutitgijaujunut ilinniagatsanik iluani iligenginnik. Atulangavut suliaKanninginnik ikajutsinimmik kamaginiattanginnik suliatsagitsiasimajanginnik-inosinginnik atjigettisigiamut.



# Akiliusiatsait tamapsumunga Nutâmut Piniannisamik

*Kanulli akileniak Kitâ tamapsumunga nutâmut piniannisamik  
inositsiagittotitsigasuanimumut ammalu Kanuittailigiamut paitsiutiKagiamut?*

- ▶ Allalugit naittoniattunut, akunigalak, ammalu akunenitsait sivulliutitaugiaKajunut ikajugiamut piniannisamik tallimanik jâriuniattunut. Isumagillugit kenaujannut attutauniattunut atuliaKigiamut tamakkuninga sivulliutitaugiaKajunut ammalugi allak piunitsaugajattunut atuniKatsiatunut atugiamut ânniasiutiligjet paitsiutinnik atuttaugajattunut.
- ▶ Pivalliatitsiluni prâvinsimi tugâgutitsamik pannaigutimmik tapvainak ilautitsigiamut federal kavamakkut kenaujatsanik: ajunnangitumik kenaujaliugutigijaugajattumik piniannisamik, silak asianguvallianinga piniannisamik, sugusinut pivalliatitsigiamut suliatanik, kiugunnagiamut ittuguvalliajunut, nunalinni iliget kamagijaugiaKajunut, ammalu Kagitaujatigut atagunnatunut nunalinni (ilonnait nalunaittausimajut federal sivulliutijanginnik mânnaluatsiak). Ikajuttaugumalluni Kinugautiulluni prâvinsikkut kavamakkunit puttusivalliagiamut Canadami Inositsiagittotitsigasuanimumut Asianottisigiamut akilittaugiaKajunut.
- ▶ Ilitatsilutik unuttumaget piniannisait nalunaittausimajut asiangutitaugialet inosigijangit ammalu piniannigijauniattunut tasiugiattaunut takutsausiattumik asiangutitsigiamut aulatsinimmik tugâgutiKalluni.
- ▶ Isumagillugit kenaujaliugutigijaugajattut ammalu kenaujannut attutaugajattunik katasimajunut piniannigijausimajunut. Kamagillugit inulimânut Kaujimajaugettunut inositsiagittotitsigasuanimumut ammalu atjigettisigi allagiamut inositsiagittotitsigasuanimumut piusigijanginnik pimmagiuvut sangijottisigiamut jâri tamât inosigijaujunut prâvinsitinni sivunatsiginiattattinnik.




**Kenaujait isumagillugit tamanna nutâk piniannisak,  
isumatsasiugutiKagialet kenaujaliugutitsanik ammalu  
kenaujanik attuijunut kipalugiamut pinianniKagiamut**

# Aulatsinik ammalu aulatsigiamut tamapsuminga Nutâmik Piniannigijauniattumut


*Kanulli aulatsinialikKitâ tamapsuminga nutâmik piniannigijauniattumik inositsiagittotitsigasuanimut ammalu Kanuittailigiamut paitsiutiKagiamut?*

- ▶ Sanalluni **prâvinsitinni inositsiagittititsigasuanimut pitsatunimmik** kamagiamut ilanginnik piusigijajunut ilijaugiaKajunut prâvinsitinni nanituinnâjunut ilijaukKulugit ammalu KângiutigijauKattajunut.
- ▶ Sanallutik **nunakKatigengitumik inositsiagittotitsigasuanimut kaunsallinginnik**, Kaujitsijumik prâvinsikkunut Kanuittailigiamut aulatsijinginnut, pitsatuniKatsialutik kamagunnagiamut Kanuittailigiamut paigijaugiaKajunut nunakKatigengituni. Tamakkua kaunsalet tusâlangajut ammalu kiullutik nipanut inunnit nunakKatigengitummejunut ammalku attutausagaisonut nunakKatigengitunut atjigentojunut ammalu atjiKangitumik apomautigijauKattajunut.
- ▶ **SakKititsilutik nunakKatigengitumik ammalu inositsiagittotitsigasuanimut KaujimaKatigegunnagiamut**, pijagettausimajunut nunakKatiget inositsiagittotitsigasuanimut kaunasilinginnut, katiutijunut unuttumaginnik katingaKatigejunut ammalu katutjiKatigenik attuijunut inositsiagittotitsigasuanimut atunik nunakKatigengitunut.
- ▶ Pingutitsiluni ominga **Newfoundland ammalu Labrador kaunsalinnik ilinganiattumik Kanuittailigiamut Piutiginiattanginnik ammalu Suliagijanginnik** ilinganiattumut inositsiagittotitsigasuanimut ammalu inulimât piutigijanginik, KaujitsiKattalutik katimapvilagijujumut.




- ▶ Pivalliatitsilutik prâvinsimi Kaujigatsanginnik aulatsijjujumik kamatsiagiamiut Kaujigatsait katitsutauninginnik, Kimiggutauk, ammalu atuttausongutillugit takutsausongutillugit, nâmmasiattumik, ammalu najuttiKatsianginnaKullugit piusiKatillugit.

### Inositsiagittotitsigasuanimut Piusigijangita Aulatsinik



### Nutâk piniannisak Ikajugiamut Inositsiagittotitsigasuanimut Aulatsinik



# Takutsaujut Piniannik kajusiutigijautsianinganik

*Kanulli kamalangavuta tamanna nutâk piniannik kajusitijautsiamangâmmilonnet?*

- ▶ Sanalluta akuni Kimiggutausomik pannaigutimmik kajusiutigijauniattumik tusonguKattaniaggata Kimiggugunnagamut atuttaujumik tamapsuminga Inositsiagittotitsigasuanimut AngiKatigegutimmik Piniannigijaujumik;
- ▶ Pivalliatitsilutik ammalu allaKutiliuKattalutik kinakkutuinnanut, maligatsaKatsiatumik, takutsaujumik ilinganiKatsiatumik ilingaKajunut inulimânut Kaujimajaugettunut piniannigijaujunut.

Tamanna ilautitauniginnigijaujuk, uKatsiasimajut ammalu sivukkatet atuniKatsiavut tamanna inositsiagittotitsigasuanimut sakKijut ilinganiKajunut inunnut prâvinsimejunut angutiniappata ininganut atjigijanginnut asinginnut Canadamiunut ammalu Kanuittailigiamut atjigengujumik suliliaKigajappat akungani uvattinut.



**SakKitillugu Inositsiagittotitsigasuanimut AngiKatigegutinga NL ommaKullugu pigumalangavuk ikajuttauluni ilonnainit Newfalâmiunik ammalu Labradorimiunut.**

Isumakkutujonninganik ammalu pigumatsiatunut sivukkatet puttunippângulluni ammalu aulatsijet kavamakkunit ammalu inosigijavut ammalu inulimât piusigijangit atuniKatsianiakKuk. PitaKagiaKagiaKavugut silatujunik ammalu Kittaingattunik sivukkatinnik nunalimmit, immigolingajunit, taikkua Kanuittailigiamut ilinniatuligijet, nunaligijet, ammalu NunaKakKasajuit inungita kavamait. IlaukkujinginnaniakKugut pigumajaunillu tusanginnaluta prâvinsimit pinianniKujijunit kiuttaugasujunut ammalu Inositsiagittotitsigasuanimut AngiKatigegutinga NL uppinnattovuk atuliuakigiamut.

## SakKijâgettut Sangijut

PitaluviniKavuk mânnaluatsiak sangijojunik iluani Newfalâmi ammalu Labradorimi taipsumunga Inositsiagittotitsigasuannimut AngiKatigegutik sanajaujumut. Inuit iluani Kanuittailigiamut ammalu inulimânut piusigijanginnik, inuit suliaKajut akilittutaulugatik ammalu ikajujut nunalimmi katutjiKatigenginnik, ammalu kiggatuttilaget kavamakkuni suliaKapvinginni Kinijavut atuliaKittisigiamut nutânik maligatsanik namut aigiamut suliaKasimalikKut nukKalautsimagatik sakKititsigasuagiamut asiangugiaKalittumik. Tainna Prâvinsikkut kavamanga pigiasititsisimavut ininganegettunik upvalu pivalliaataujunut KaujimaukKulugu ilijaugajattunik ammalu siKuttilugit nipaKangitunik piunitsamik ikajugasuagiamut ilonnâgut inositsiagittotitsigasuannimut ammalu Kanuittailigiamut. Tamanna ilautitsivuk ominga “inositsiagittotitsigasuannimut iluani ilonnainik maligatsanik” pinianniKallutik, kavamakkut-iluingaluni suliaKallutik ikilliumittisigiamut ajutsanimmik ammalu Kanuittailigiamut, ammalu pigiasillutik kamagiamut piusigijaugajattunik apomautigijaujunut nâjjiutigillugu aniggaKangitunut, piunitsamik atugunnagiamut, angilligiattilugit isumakkut Kanuittailigiamut pigiasittaugajattunut, sangijottilugit sakKigunnaiKullugit mitautiKaKattajunut, ammalu pivalliaKullugit sukkojunut ikajotitsanik.

Taimanganit 2006, Newfoundland ammalu Labrador ikilliumittisimajut ajutsanimmik tugâgutimmik mânnaluatsiak Kittaititaugasualittuk takunnâluallutik Kanuittailigiamut. Jâringani 2019, kavamakkut sanasimajut sangijumik silamut piniannisak pannaigutimmik. Taikkua ilonnatik ilauKataujut ilinganiKajumut isumakkut Kanuittailigiamut ammalu sakkulukattaugunnangitunik sakKititaulauttuk ominga Tugâjumut âkKivalliagiamut Piniannik Pannaigutimmik mânnaluatsiak atuttauliaKijuk. Tainna AngajukKâsuak SuliaKattigit Piunitsautitsigiamut Ilinniatuliginimmik SakKijunut: Mânnaluttik (2017) KinugautiKasimajut piunitsamik ilijautitsigiamut Kanuittailigiamut ammalu ilinniagiamut piunitsamik kiugunnagiamut inositsiagittotitsigasuannimut allatauKattajunut ammalu inositsiagittotitsigasuannimut atuttaugiaKajunut sugusinut ilinnivimmi piusigijaujunut.



**Sunanik Inositsiagittotitsigasuannimut AngiKatigegutik ilagiattisimmangât puttujualummegettumik takutsaujumik iluingajumik atjinguammik, tautugijaujuk angijualummik pinianniKagiamut ammalu ilijaukKulugit namut aigiamut, Kinugautik asiangutitsigiamut takunnâluallutik inositsiagittotitsigasuannimut KaujimajaukKujaujunut ammalu tapvainaunitsak apvialiaKillutik, ammalu nutâmik Kittaingatitsilutik atjigettisijumik atuttausonik ilijautigunnagiamut taikkuninga sangijojunik iluanut nutâmik takunnâtaujumut.**

# Inositsiagittotitsigasuannimut AngiKatigegutik NL AllaKutinga

Tâna Inositsiagittotitsigasuannimut AngiKatigegutik NL SuliaKattingit allaKutilluuvut suliajjanginnik sitamanut allatausimajunut:



Tainna AllaKutillagik nalunaisijuk namut aigiamut kiugiaKasimajuk inulimânut, kenaujalignimmut, ammalu avatimmut pitjutaujunut ammalu atjigetisigiamut inositsiagittotitsigasuannimut piusigijanginnik. Tâna AllaKutik sakKititsijuk Kinugautigijaujunut pinianniKagiamut kamaniattumut Kanuk kajusigunnagiamut ottugattaugialet kingullimi tallimanik jâriunialittunut. Tâna AngiKatigegutik kajusilangavuk kisiani pitagjangit AllaKutimmit tukisijautsiatuappata iluingatillutik, ilijautuappat, sulijugijaulluni ammalu angijualummik piniannigijautuappat.



Tâna allaKutik naillitausimajuk uKausigijausimajuk takutitsijumik atuniKaluattunut tapvani AllaKutimmi.



Tainna Malittausimajuk kiggatujumut atuliaKittisigiamut pannaigutinga taipsumunga Kinugautigijaujumut pinianniKagiamut, pikKujaliaKatluni sitontitsanginnik, akiginiakKotanginnik, nakit kenaujattâniammangâtta, ammalu ilisigiamut tungavitsanik kamagiaKajunut atuliaKittisigiamut tâpsuminga AngiKatigegutimmi. Tainna Malittausimajuk sakKititsijuk piniannigijaugajakKotunut atuliaKittisigiamut.



Tamakkua Takutsaujuk Kagitaujamettunut katitsutausimajut atjigengitunik Kaujigatsalik pitâgijausimatlutik ikajugiamut suliatanik suliajjaniattunut taikkununga SuliaKattiujujunut, ilautillugit naillitausimajuk Kimiggutausimajunut ilinganiKajumut inositsiagittotitsigasuannimut ammalu inulimânut piusigijaujunut iluani prâvinsimi, ilisimallagijut uKausigisimajanginnik, Kaujittisiutet attutaujunut, allaKutet, ammalu Canadamiunit ammalu silatsuami Kaujisasimajunut napvâsimajanginnik.



## Nalunaigutet kajusiutiKatsianimmik

*Kanulli Kaujimalangavitâ tainna Inositsiagittotitsigasuanimut AngiKatigegutinga NL angutisimagalumngât takunnâtaujumik?*

Uvagut KaujimalâkKugut ilinganiKaluattunut inulimânut, kenaujaliugutiliginimmut, ammalu avatet piusigijangit attuimangâmmik inosigijattinik ammalu Kanukkiak pivugut kamagiamut sakKititsijunut ammalu nukKatigasuanittavut piungitut sakKijunik. Inositsiagittotitsigasuanimut ammalu inulimânut piusigijangit atjigettitaulangavut ammalu ikajuttigelangavut kamatsiagiamut piunitsamik inosiKaniattinik sakKijunut. PitaKalangavugut piunitsanik, tapvainaunitsak atugunnagiamut Kanuittailigiamut paitsiutinnik ilijauluattunut, Kagitaujammetunut, pivallasimatsialutik, ammalu sakKijânginnaniattunut inositsiagittotitsigasuanimut piusigijanginnik ikajujunut inunnik Kanutuinnak jâriKagaluappata ammalu inigijattinik inosittinik. Sivungagut angijualunnik kajusiutiliukKâgatik, atunik katutjiKatiget ammalu atunik kavamait suliaKapvet apitsuKattaniattut apitsotinnik. “Kanuk tamanna attuulangajong inositsiagittotitsigasuanimut iluani nunalimmi?”

Immigolingajut Newfalâmiut ammalu Labradorimiut piunitsamik inosiKaniattut ammalu Kaujimallutik inositsiagittotitsigasuanimut atjigettitaunninginnik nakituinnak inosiKagaluagutta, nanituinnak iniKagaluagutta, upvalu Kanutuinnak inosiKagaluagutta inigijavuttinik. Atukattalangavugut nâmmasialuattunik paitsiutinnik ammalu piunitsanik inositsiagittotitsigasuanimut ammalu inulimâmut kiggatotinnik. Akikinnisanik pitaKalluta akuni KanimmasiKajunut ammalu ikinnisait tuKagunnailutik simipviusimajunut taKangitigut, omattilluKattajunut ammalu kânsanik. Tanna inositsiagittotigijangit inuit prâvinsigijattini piujolangavuk taikkununga inosigijaujunut asinginni prâvinsinettunut.

kajusiutigijautsiatut atuttauliaKijut ilinganiKajumut Inositsiagittotitsigasuanimut AngiKatigegutinganik atuttaulangavuk kingullimi tallimanik jârini sakKititsilangavuk angijualummik asiangusimajumik ilinganiKajumut Newfalâmi ammalu Labradorimi inositsiagittotitsigasuanimut ammalu inulimânut kiggatotinginnik taimanganit sakKigiuniammata ânniasiutiligijet 1960-ini.



**Annigusuniagutta pinianniKagiamut, tainna Kanuittailigiamut inigijanga, inosinnut sakKiKattajunut, ammalu inositsiagittotitsigasuanimut atjigelangavuk Newfalâmiunut ammalu Labradorimiunut piunitsaulangavuk angijualummik jâringa tikikkâtinnagu 2032. kisiani tamapsuminga tautugijattinik angutigutta Newfoundland ammalu Labradori ommasialangavuk, ammalu inosiKatsialutik inigijangita uvattinut ammalu sivunitsaginiattavuttinut. Tigumiagialittinik.**

# Kaujisapviutausot

[info@healthaccordnl.ca](mailto:info@healthaccordnl.ca)







**Health Accord**  
for Newfoundland & Labrador

# Prâvinsivut, Inositsiagittotitsigasuannigjavut, Sivunitsavut Senanut Jârinut Inositsiagittotitsigasuannimut Asiangujuk

**Tâna Naillitausimajuk**

